

**Naaja H. Nathanielsen  
Attaviitsoq**

**UPA 2016/97  
27. april 2016**

**Nunatsinni aatsitassarsiornermi uranimik aatsitassallu allanik ulorianartunik qinngornertalinnik saniatigut tamakkiisumilluunniit pīaasoqarsinnaalissanersoq avammullu niuerutiginnittoqarsinnaalissanersoq pillugu innuttaasunik taasititsisoqarnissaanik siunnersuut, taasititsinissarlu sioqqullugu inuit ilisimasanik tamakkiinerusunik tunngavisseqqullugit paasititsiniaanerit illuinnaasiunngitsut aallarteqqullugit Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.**

(Inatsisartunut Inuit Ataqtigiit ilaasortaataat)

Nuna avissaartuuffiusoq- tassa nunarput. Inuit uranisiorneq pillugu akersuupput. Ilaat tapersersuisut, ilaat akerliusut. Tamarmik aqqusinerni akerliussutsiminnik takutitsisut, saqqummerfinnilu pimoorussillutik oqalliseqataasut. Aatsitassat qinngornernik ulorianartunik akullit pillugit innuttaasunik taasisitsisoqannginnissamik Naalakkersuisut uteqattaaripput. Naalakkersuisut tunngavilersuutigivaat innuttaasunik taasisitsineq tassaassasoq patajaannerup amigaatigineqarneranut ersiut. Utoqqatserpunga, aqqusinerni inuit akerliussutsimik takutitsinerat tamassumunnga aamma ersiutaannginnami? Aatsitassarsiornermi suliniutinut inuiaqtigiit tapersersuinnginnerat, aatsitassarsiornermi aningaasaliisartunit pingaarutilittut isigineqartarpoq.

Inuiaqtigiinni eqqissisimanerulersitsinissatsinnut asseqanngitsumik periarfissaqarpugut. Uranimik pīaanisaamut akuersissussimik sulī tunniussisoqanngilaq. Misissuinerit uranisiornermut akuersinngilluinnarnerup nalaani ingerlanneqarput. Suliffeqarfiit neriorsorneqarnikuunngillat- qanorluunniit oqaluttoqaraluarpat. Taamaattumik innuttaasunik taasisitsisoqarsinnanermut periarfissaqarpoq.

Innuttaasunik tasitsisineq pisariaqartinneqarpoq. Naalakkersuisut ajorsartutut inissinneqarnaviannngillat kaammattuutigineqartoq malinneqarpat. Naalakkersuinikkulli siuttuussusermik takutitsisussaalluni avissaartuuttunullu ataqtigiilersitserusunermik takutitsisussaalluni.

Siunnersuut taperserpara ataatsimiititaliamullu tulluuttumut sulīassanngortillugu.